

॥ भाग्यसूक्तम् ॥

(तैत्तिरीय ब्राह्मणम् अष्टकम् - ३/प्रश्नः - ८/अनुवाकम् - १)

प्रा॒तर॒ग्निं प्रा॒तरिन्द्र॑ हवामहे प्रा॒तर्मित्रा वरु॑णा प्रा॒तर॒श्विना॑।
प्रा॒तर्भगं॑ पू॒षणं॑ ब्र॒ह्मण॑स्पतिं प्रा॒तः सोम॑मु॒त रु॒द्रं हु॑वेम॥१॥

प्रा॒तर्जितं॑ भग॑मु॒ग्रं हु॑वेम व॒यं पु॒त्रमदि॑ते॒र्यो वि॑ध॒र्ता।
आ॒र्ध्रश्चि॑द्यं म॒न्य॑मानस्तु॒रश्चि॑द्राजां चि॒द्यं भगं॑ भ॒क्षीत्या॑ह॥२॥

भग॑ प्र॒णेत॑र्भग॒ सत्य॑राधो॒ भगे॑मां धि॒यमु॑द॒व द॑दन्नः।
भग॑ प्र णो॒ जन॑य॒ गोभि॑र॒श्वैर्भग॑ प्र नृभि॑र्नृ॒वन्तः स्या॑म॥३॥

उ॒तेदा॑नीं॒ भग॑वन्तः स्या॒मो॒त प्र॑पि॒त्व उ॒त मध्ये॑ अ॒ह्ना॑म्।
उ॒तोदि॑ता म॒घव॑न्त्सूर्य॑स्य व॒यं दे॒वाना॑ं सु॒मतौ स्या॑म॥४॥

भग॑ ए॒व भग॑वा॒ं अस्तु॑ दे॒वास्ते॑न॒ वयं॑ भग॑वन्तः स्या॒म।
तं त्वा॑ भग॒ सर्व॑ इ॒ज्जो॑हवीमि॒ स नो॑ भग॒ पुर॑ ए॒ता भ॑वे॒ह॥५॥

सम॑ध्व॒रायो॑षसो॒ऽनम॑न्त॒ दधि॑क्रावे॒व शु॑च॒ये प॒दाय॑।
अ॒र्वाची॑नं व॒सुवि॑दं॒ भगं॑ नो॒ रथ॑मि॒वाश्वा॑वा॒जिन॒ आव॑हन्तु॥६॥

अश्वा॑वती॒र्गोम॑तीर्न॒ उ॒षासो॑ वी॒रव॑तीः स॒दमु॑च्छन्तु॒ भद्राः॑।
घृ॒तं दुहा॑ना वि॒श्वतः॑ प्र॒पी॒ना यू॒यं पा॑त स्व॒स्तिभिः॑ सदा॒ नः॥७॥

यो मा॑ऽग्ने भा॒गिन॑ं स॒न्तम॑थाभा॒गं चि॑की॒र्षति॑।

अ॒भा॒गम॑ग्ने॒ तं कुरु॑ मा॒मग्ने॑ भा॒गिनं॑ कुरु॥८॥

Downloaded from

 <http://stotrasamhita.github.io> |  StotraSamhita | [Credits](#)